

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), Vlada Zeničko-dobojskog kantona, na 148. sjednici, održanoj dana 22.06.2018. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o usklađenosti Prostornog plana općine Usora za razdoblje 2014-2034.godine sa Prostornim planom Zeničko-dobojskog kantona 2009-2029.g. (“Službene novine Zeničko-dobojskog kantona”, broj: 4/09, 6/09 i 5/10) u dijelu raspolaganja, upotrebe i zaštite poljoprivrednog zemljišta i utvrđuje se Prijedlog Odluke o davanju saglasnosti na Prostorni plan općine Usora za razdoblje 2014-2034.godine.

II.

Mišljenje i Prijedlog Odluke iz tačke I. upućuje se u dalju skupštinsku proceduru, sa DVD u prilogu koji sadrži elektronsku verziju Prostornog plana općine Usora za razdoblje 2014-2034. godine (tekstualni dio, grafički dio, Odluku o usvajanju i provođenju, prateće akte).

III.

Zaključak stupa na snagu danom donošenja.

Broj: 02-_____/18.
Datum 22.06.2018. godine
Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine ZDK,
1x Ministarstvo za prostorno uređenje,
 promet i komunikacije i zaštitu okoline,
1x a/a.

Na osnovu člana 49. stav 3. Zakona o poljoprivrednom zemljištu ("Službene novine FBiH", broj: 52/09), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje slijedeće:

MIŠLJENJE

o usklađenosti Prostornog plana općine Usora 2014-2034.godine sa Prostornim planom Zeničko-dobojskog kantona 2009-2029.g. ("Službene novine Zeničko-dobojskog kantona" broj:4/09, 6/09 i 5/10) u dijelu raspolaganja, upotrebe i zaštite poljoprivrednog zemljišta

Prostorni plan općine Usora za razdoblje 2014-2034.godine je usaglašen sa osnovnim načelima planskog uređenja i zaštite prostora i ciljevima prostornog razvoja Kantona utvrđenim Prostornim planom Zeničko-dobojskog kantona 2009-2029.g. ("Službene novine Zeničko-dobojskog kantona", broj 4/09, 6/09 i 5/10).

Prostorni plan općine Usora za razdoblje 2014-2034.godine po tematskom sadržaju je usklađen sa Uredbom o jedinstvenoj metodologiji za izradu planskih dokumenata ("Službene novine Federacije BiH", broj 63/04, 50/07 i 84/10).

Prostornim planom Kantona 2009-2029.g. utvrđuje se plansko upravljanje, korištenje i zaštita prostora kao osobito vrijednog i ograničenog dobra, a osigurava se kroz cjelovit pristup planskom uređenju, a sve na osnovu Zakona o prostornom uređenju i građenju, i posebnih ili drugih zakona (resornih), koji uređuju prije svega prirodna bogatstva i dobra od općeg interesa, kao što su poljoprivredno zemljište, šumsko zemljište, vodni resursi i dr.

Kako je Zakonom propisano da Prostorni plan općine preuzima, prilagođava, razrađuje i dopunjava planska opredjeljenja iz Prostornog plana Kantona, smjernice po pitanju korištenja i zaštite prirodnih resursa su preuzete iz Prostornog plana Zeničko-dobojskog kantona 2009-2029.g. („Službene novine Zeničko-dobojskog kantona“, broj 4/09, 6/09 i 5/10).

U periodu do donošenja Prostornog plana Kantona, nije postojala urađena Karta upotrebne vrijednosti zemljišta Zeničko-dobojskog kantona sa utvrđenim bonitetnim kategorijama i mjerama zaštite, te je istim utvrđena obaveza njene izrade nakon donošenja Prostornog plana Kantona, kako bi ista bila osnov za planiranje i zaštitu zemljišta na području općina u postupku izrade prostorno-planskih dokumenata.

Kako je 2011.godine urađena Karta, propisana Prostornim planom Kantona, kao sastavni dio Studije upotrebne vrijednosti zemljišta za područje Zeničko-dobojskog kantona (naručilac: Vlada Kantona i Ministarstvo poljoprivrede, šumarstva i vodoprivrede, izvršilac: Poljoprivredno-prehrambeni fakultet Univerziteta u Sarajevu), stvoreni su uslovi za detaljno planiranje i zaštitu zemljišta u postupku izrade prostornih planova općina. Ova Studija sa tematskim kartama kao sastavnim dijelom iste, je bila osnov za utvrđivanje osnovne namjene prostora i osnov za zaštitu poljoprivrednog zemljišta u Prostornom planu općine Usora za razdoblje 2014-2034.godine.

S tim u vezi, Prostorni plan općine Usora za razdoblje 2014-2034.godine je usaglašen sa Studijom upotrebne vrijednosti zemljišta i Prostornim planom Zeničko-dobojskog kantona za period 2009-2029.g.

Zbog svega navedenog, predlažemo da Skupština Zeničko-dobojskog kantona u skladu sa članom 49. stav 4. Zakona o poljoprivrednom zemljištu, da saglasnost na Prostorni plan općine Usora za razdoblje 2014-2034. godine ("Službeni glasnik Općine Usora", broj 6/18), kojeg je donijelo Općinsko vijeće Usora na sjednici održanoj dana 01.06.2018.godine.

MINISTAR:

Fahrudin Brkić